

永新縣志卷之九

永新縣知縣王瀚輯

紀事第九

災變遺事

古蹟

宅墓

僊釋

工伎

志以紀事災變事之大者書之所以修省也古蹟宅墓地也仙釋工伎人也而亦以事紀者何也地不列於山川人無與於孝義皆可以遺概之作紀事志

災變

宋咸淳十年甲戌正月乙卯有氣如虹霓起城東江水中橫貫一邑須臾作錦紋五色狀覆蓋郭四門

永新縣志

紀事卷九

災變

五十一

亾何元帥壓境叛賊劉槃引兵陷城諸勤王大姓悉屠滅

明嘉靖十二年癸巳秋天西北群星隕如雨邑人尹臺少時有詩云前夜群星隕如雨攬槍仍射邊城旄後果有大同諸邊之變

十七年丁酉夏大水城內浸深丈餘廬舍多漂沒二十四年乙巳大饑道殣相望

隆慶元年丁卯冬邑訛言選宮女詔且至民間男女未剋笄者一時婚嫁殆盡

萬曆五年丁丑秋閏八月雨小黑實近數邑皆然是

年人患瘴疫死者不可勝紀

國朝順治三年丙戌大水決塞田畝甚多

十三年丙申大水浸城深數尺邑令王登錄東向禱於觀音大士水退建大士閣

己丑春南鄉淫雨山崩五月偽將張士舉從關溪入境鄉人拒之戰敗賊屠南鄉三千餘人秀才汪逢源盛王畿吳化鵬諸名士皆被戮

康熙五年秋晴空中忽霹靂墜巨石於南鄉毆田又連月虎出四鄉死者百餘人

十六年丁巳春西鄉梅花鄱陽虎晝出鬼夜哭至九

永新縣志

紀事卷九

災變

五十一

月滇寇王會屯踞更鼓寨殺戮五百餘人秀才蕭友生恭生耀珠似詮似鍊同日死 本朝穆將軍至難方解

三十二年癸酉八月陳山江水陡然湧出平地深三尺漂沒物產無數江路改決壞田二百餘畝民就左岸墾沙洲積十餘年成田鎮賦備極辛苦

四十九年庚寅六月三更水起玉女廟背塌廟墻神像漂出里許立而不仆五十四五兩歲霖若巨浸砂塞田禾水中聞鐘磬聲又似絲竹聲天明方退雍正甲辰迄乾隆壬戌邑遭虎厄十餘年間死者近

千人獵戶合圍十銃連發不能傷伺以藥弩虎則迂道以行且有啣其箭而去人以為神云
按五雲之變可以占豐歉八風之朝可以占吉凶故君子遇災而懼有修德修政修救修禳之事邑志故無災變之紀咸淳之異於宋史中考入他皆耳目所共睹者附之亦災廟殺菽多麋有藪之遺意也夫

古蹟

永新縣故城

在縣西三十里相傳吳寶鼎間築隋省併永新於泰和城廢

廣興縣故城

在縣西八十里

永新縣志

紀事卷九 古蹟

五十二

南平州故城

在縣西二十里

按古今志郡境竝無無廣興縣名隋改太和縣為南平州其壤亦不在永新治內二城殊不可考必世傳之謬今仍舊志姑存其名

搗石

在縣北四十里平源村廣四尺長倍之色瑩黛相傳唐顏魯公為吉州司馬時行部嘗過其地

撫此石愛而憩焉謂可搗衣試扣其聲果清越今更千年上花不蝕後有冒公裔者竊徙不里許雷雨忽作乃置之其子孫居平源者多稱搗石顏云

三根樹

在縣西八十里溶湖村唐魯公裔顏翊居其地樹三根昂立上至丈餘乃合為一其下可坐十數人歷七百餘歲如故今屬蓮花廳

眠竹

在縣北二都相傳宋隱士魯庭堅堅遇方外人話元於此地久之各倦思臥遂覆篠竹寢其上

既覺其人已去竹眠生至今云

墨莊

在縣西六十里龍田大學士朱軾碑載此宋劉幾顏其書室曰墨莊厥後忠武岳侯討楊么道

經新邑駙馬劉景暉餉師三日景暉幾同支也忠

武書墨莊二字遺之劉氏子孫勒諸家廟摹石而

流傳之世人爭寶重懸之室中邪魔歛跡夫忠武

之勤王忠也景暉之餉師義也劉氏子孫世守忠

武墨跡世之人共寶之忠義之不可磨滅也如斯

夫前邑侯張士琦題跋并係以詩其一云忠武千

秋烈湖湘八日平當時旋虎節此墜駐旣旋壁壘

椎牛饗貔貅按轡行二難皆不朽墨寶日新明其

二云駙馬園林勝將軍筆墨酣風流遙可挹忠義

嘿相忝主敬蹤明道精思續世南後賢堪慎守彌

勒敢同龕

龍溪

顏魯公書在禾山龍門石壁上有若要禾山齧龍溪可手探之謠

葦航科書

墨蹟存牛田尊勝寺相傳有入水不溺入火不焚兩異事

永新縣志

紀事卷九

古蹟

五十三

拍板

唐咸亨元年置存資福寺相傳昔有竊至閩省者夜託夢主家我係永新某處倩君送還旦視之板也還之

奉天勅命符

白玉鑿書昔華潭有巨鱗為害遇泛漲湧水灌城故書此鎮之害遂除

八磚血影

詳臺榭

宅墓

唐二相寓宅

竝在縣東北忠賢鄉近後隆山

劉楚公宅

在後隆山前世傳唐姚相嘗寓居此地後牛相自柳遭寇難母子復求姚故地居焉

築讀書臺其上至宋劉楚公父素乃即故址築臺

日聰明而宅其下後楚公母夫人忽夢衣冠丈夫

稱牛相公來遂生楚公蓋三相皆興於此地故至

今名其鄉曰相鄉云

姚公石室

太平寰宇記按縣圖西北一百二十里禾山足有石室豁然洞開有大澗濶數丈有

泉湧出可以行舟不知所極唐姚崇布衣時曾至其處愛此殊狀卜居於側讀書數載業成而去為開元名相今遺址猶存

唐鄱陽侯尹濯寓宅

在縣西二百步侯遭唐末大亂避地寓居永新既歿邑人感侯遺德遂壅侯宅後而以宅之故地建祠祀焉今祠廢為城隍廟侯後裔乃改祠墓北云

刺史張鋼宅

在縣東三里中洲至橫江

胡幼黃宅

城西門外人

水窓先生劉文益宅

三里塘其香神壩皆其裔也

三馮宅

在縣西八十步雙柱巷

石譚先生劉髦宅

在縣北五里仰山下即劉文安公所生處

馬王墳

在縣北四十里鐘溪不詳所自出世傳五代時馬殷祖塋焉然殷之先非出於邑也豈以

永新縣志

紀事卷九

宅墓

五十四

殷起於湖南地相近而傳之誤耶又馬璘傳墓在縣北未知孰是今姑存其名

姚母墓

在縣東三十五步學前左

牛相國母夫人墓

在縣東南三十里岐田峯巒拱揖宛如侍衛曲澗流汲縈廻數折而出詳宣德舊志

鄱陽侯尹濯墓

在侯寓宅後隆慶間裔孫尚書臺為築墓道立祠

縣令賀憑墓

在縣西九十里良坊今屬蓮花廳

大理卿蕭儼墓

在禾山下

張德廣墓

距縣南六十里勝業鄉金鰲山大學士張治有詩

劉楚公沆墓

在縣北七里呂惠卿撰神道碑有仁宗御製挽詩碑

顏詡妻孔氏墓

在縣北八都澗塘

刺史張綱墓 在縣北十里周益公必大撰墓表章穎撰神道碑于潞淵制菴墓前名曰淨覺

給事李均祖墓 在五都金盆形龍來三台峯

鹽堆龍况墓 在義山下鹽堆嶺

劉文安公定之墓 在縣北五里吏部尚書彭時撰神道碑兵部尚書商輅撰墓表成化戊子奉勅營建

右都御史劉敷墓 在義山上天嶺下弘治八年奉勅營建

尚書尹臺墓 在城北鳳凰山原太子太保吏部尚書曾同亭撰神道碑禮部尚書董份撰銘萬曆九年奉勅營建

鹽運使劉夢詩墓 在本都園中搏鳳形

刑部尚書王槩墓 在畫角灘

永新縣志 紀事卷九 宅墓僊釋

僊釋

唐匡智長安人貞觀間棄妻子與姪大郎竝入廬山修煉居七日有老人謂曰此陰地僊不可得南有各山陽地也盍往居之指導其行至吉州望見義山神復化為樵夫引示曰此中甚安妥遂立壇修持積數年忽有僊衣下降智服之雲冉冉起足下逶迤上昇而去大郎後亦為地僊今義山南華峯下有僊人龕僊人床諸蹟殆其所居地云

宋無名道者不知何許人紹興間有建龍華道會於

邑中者時集雲遊士五百餘衆獨一道者坐化道
壇中示偈曰萬里雲歸洞千山水向東玉爐香冷
處烟散碧霞中

蕭禪師邑手力也嘗往慶雲寺夜宿聞隣壁有相語
者云院主明日欲烹我飼蕭手力你自照管莫着
鷹鷄狐狸打却蕭起窺乃一鶩對小鶩作人語耳
蕭異之旦朝寺僧果欲殺鶩食手力蕭因求免乞
鶩自歸養後出家得法與鶩同昇化

慈雲禪師梁天監時人通梵慧遊方至吉州聞水香
曰此上有聖菩提可立錫乃尋沿上流得今名阿

永新縣志

紀事卷九

僊釋

五十六

育塔山者掬水飲之曰我此休矣遂依磨箭嶺結
菴居焉日潔志焚誦不怠後傳其昇化今尚山菴
乃故址云

葦航長老邑尊勝院僧也戒律精嚴常撰金山九朝
齋科緇流誦傳之宋末峒獠燔劫鄉邑殺人盈城
野葦航卽城西東嶽廟建佛事以追拔兵死者其
日天花晝雨枯井涌甘泉監旛廟後高嶺人因稱
爲旛竿嶺後院廢其手錄科文藏他家遭燹鄉人
於瓦礫中見厚土覆一開視乃其文也隻字未損今
藏牛田尹氏

元僧天如邑西亭鄉人幼辭俗祝髮入禾山後遊吳
虎丘得中峯宗旨精究禪微禾山僧遣其孫徒迎
之天如曰彼中自有打鼓人矣遂不歸善詞賦與
海內名流翰墨相訊靡不重其超詣所著楞嚴會
辭淨上或問天如集雲陽李提舉祁臨川危學士
素序之其集藏左府經歷尹重民家

文道士月堂戒行堅忍性好酒醉則陽罵隱語人莫
能測稱爲文顛凡祈禱晴雨立應後結菴東華山
修煉年八十餘卒

僧無詰出家東山寺性明悟精禪學兼涉儒書工詩

永新縣志

紀事卷九

僊釋

五十七

嘗學寫蘭於吳虎丘之雪窻僧揮灑變態不啻過
焉永樂初其法弟無塵運糧赴京遭沉無塵照兌
賄訖成祖嘉其義贈以勅命一道其畧曰永新寺
僧無塵供運輸事不推河溺買賄數實出家尚義
朕心嘉之封爾爲僧會之職立砧基之籍食暈長
髮不與禪僧齋子同

明道士楊玉溪住東華山性朴澹獨嗜酒怡曠自放
於老氏書多通究名士咸樂與之遊

僧非空王姓元名醫東野孫也祝髮東山師事無詰
謹戒律善詩歌行草有晉人法學士解公與交善

往來東山不計年禮敬無少衰所著有翠微集其
自題像贊云這般模樣不須歌這些丹青怎能畫
水裏火燒空燒却人我山貼地都放下有院不會
住怕殺東堂罵有寶波斯不知價七八十年做甚
麼從前盡說謊本有證佐奪些乾坤清氣不知過
禪不參經不課尋常本分人一個無人問休說破
吾儂有曲太平歌須彌唱空空和

賀處元字冲微結菴龔山修煉精符訣以治疾祈禱
輒應善吟咏工楷書士大夫多樂與遊段不已爲
作冲微高士傳

永新縣志

紀事卷九

僊釋

五十八

受峰師白下樓霞寺僧也隆慶初高峰菴僧法明迎
至師事之深究禪旨精修力持老不怠其律戒時
近菴村昔鹿兒踐田禾師嘿存驅麾農賴以有
獲萬曆乙亥秋申忽命其徒曰吾翌午欲西逝矣
取水沐浴更衣跏坐微笑而化年八十有九云
國朝別印禪師生永新都陽蕭氏戴白墮胎僅四歲
送入寶林咏蓮有混跡泥中身不染之句凡內典
過目成誦著有禾山一燈行世四十二寂停龕句
餘溽暑不變色茶毗後收骨如舍利後人題其像
曰前身帶得白毫光墮地看端識季常透闢天童

全不染似蓮空際發清香

女釋宋賀氏嫁同邑江安行有二子既寡卽不茹暈日誦圓覺經不少輟或勸更誦他經賀氏曰要知真性本圓本覺出此卽非佛義我非專誦經者聊寄心耳後子楹登第爲賀州僉判迎母至官所賀氏忽語其婦曰吾誦經了無夢想近夜常見瑞光中有猊坐欲昇之未果今閉目便見此相矣其歲五月沐浴更衣翌旦食罷盥漱忽収足端坐兩中指結印瞑目而逝郡守范直清帥其屬瞻禮歎曰大丈夫不能如此令畫工寫其像惟目精未點乃

永新縣志

紀事卷九

僊釋

五十九

禱曰精神全在阿堵中願賜開示俄兩目炯然子孫扶視皆謂未死頃間復瞑目時年七十七矣雋彥濟記其事

按仙釋著跡事多妄誕未必如種瓜果老折蒿達摩以真仙活佛遊戲人間茲就耳目所常見者錄之如文道士之戒行堅忍僧無詰之兼涉儒書受峰師之深究禪旨慈雲天如非空冲微皆善吟咏工書法韓子所謂墨名儒行殆卽其人歟匡智手力修煉超昇則又事或有之未可以爲訓也

工伎

元王東野精方脉嘗著本草經當時知名任太醫院
御醫虞文靖揭文安陳雲樓劉申齋趙子昂咸與
之交而尤厚趙魏公以本官致仕歸邑人曠處良
傳其學卒爲名醫處良曾孫世儻精醫術士大夫
重之至爲之語曰命非景儒不談藥非世儻不服
景儒姓劉氏精星術今曠氏醫學世其家

明曠處良號易直少讀聖賢書及受東野王公學精
究素問靈樞陰陽五行之理集古今明醫方論以
傳家厥後世其業者世儻秉和曠南懋祥名益顯
同郡鄒南臯諸名鄉延入京開講醫學著曠氏家
永新縣志

紀事卷九

工伎

六十

抄醫鑑要刪等書行世曠建怡建佑及邑訓科建
河備業皆相繼爲儒醫

藍玉仲精方脉預言人利鈍禍福壽夭悉中體豐龐
善飯士大夫家爭致之其起人痼瘵或以一劑或
因前醫所服方增減一二或亦無所增減第稍差
其等分無不立効或曰其術多得之藍元初云玉
仲族叔父也同縣復有劉奎劉仲者攻幼科亦擅
名於時

國朝蕭雲燦幼習舉業不就長通岐黃術每起沉痾
貧者不計其資是亦有心活人者

唐開元中有內人許和子者本吉州永新樂籍女也
既美且慧開元末選入宮上卽以阿新名之首隸
宜春院竅於歌曲能變新聲入古調自韓娥李延
年歿千餘歲曠無繼者至阿新始以其能名遇高
秋朗月臺殿清虛喉嚨二聲嚮傳九陌明皇嘗獨
召李謨吹笛倚其歌至曲終管裂其竅如此一日
賜大酺於勤政樓觀者數千萬衆誼譁聚語魚龍
百戲之音莫聞上怒欲罷宴中官高力士奏請命
阿新出樓一歌誼必可止上從之阿新乃舉步揚
袂迴奏曼聲少頃廣場寂若無人懽者聞之氣勇

六十一

永新縣志

紀事卷九

工伎

愁者聞之腸絕洎漁陽之亂六宮星散永新爲一
士人所有菁菁避地廣陵憑闌河上忽聞舟中奏
水調曲者青曰此殆永新音也乃登舟與對泣者
久之青始亦秘其事後士人卒與其母之京師竟

歿於風塵中

出唐樂府雜錄

按永新世醫推曠氏今讀其醫鑑要刪等書能闡
發前人秘義爲後學津梁其裨於邑人不小藍玉
仲預言利鈍因方改方一經其手無不立効則又
神乎技矣許和子能變新聲入古調與韓娥李延
年並稱雖墮身樂籍佳話已留千古亦工伎中不

可闕者合並紀之

〔遺事〕

唐天寶八年冬十月山人王元翼上言嘗見元元皇帝示言永新梅田山下有寶仙聖洞中藏竅寶真符上詔廷臣張均輩祠求之山有寶仙聖洞之名始此

劉楚公生時近村出紫霧氣氤氳三日不絕人至今稱其地紫霧源

楚公生七八歲自題其所居室壁云虎生三歲便窺牛獵食那能掉尾求年少不登黃閣去也須來伴

永新縣志

紀事卷九

遺事

六十二

赤松遊其幼小志氣超異矣

宋仁宗命楚公使契丹北館伴使餞之郊口徐詠云有酒如澠縮行人而不住楚公卽應聲曰在北有荻吹出塞以何妨蓋北以澠比繩鼓公而公以荻爲笛應之可稱神捷矣未幾北使報聘愬南使語不遜仁宗爲出楚公於外而心實多之

馮魯山少時市故書於肆中得遺珮珠數十求其人歸之又嘗有友人繫獄罪當死乃爲之出數萬緡得活終不自名一錢人服其義

淳熙

當作嘉定

間王居安知隆興府李元礪陳廷佐倡亂

歛永新撤龍泉江西列城皆震居安督戰於黃山
賊始懼走

水窻劉友益宋末將赴省試夜忽見天若有崩裂狀
歎曰天下事不可爲矣遂反歸道遇神卒挾一冊
問所如往卒曰吾奉上帝命攝諸應死者出手冊
示之冊首卽友益名下註三刀下死神卒曰吾視
若乃善士爲若改下爲不遂去無迹友益自是避
山中一日出往邑城遇賊兵猝至死者狼籍道路
友益乃伏匿亂屍中被賊斫三刀幸未絕脛得善
藥越夕始蘇人咸謂天活焉

永新縣志

紀事卷九

遺事

六十二

陳森翁琴亭人築真隱亭於冷泉巖掘地得劍有鏤
文詩末二語云男兒慷慨平生事時獨挑燈把劍
看下書大元二字莫詳所謂未幾元入主中夏其
讖兆蓋先見焉

按森中咸淳九年解元其叔帝臣夢庚同中咸淳
三年偕隱冷泉稱三高士

劉槃之祖公權光國仍世相繼以孝聞父洙兄槩亦
廉勤振聲一時槃始用武起家其敗布憐吉拒荅
合赤及禦搭卒於襄樊間人方交壯其能超知岳
州度宗召對御前大期以非常尋擢制帥任用軼

出等倫乃一旦時移事改逆節橫著無復人理夷
隕宗邑屠滅忠族有古今大盜所不忍爲者父兄
數世禮教斬絕蔑無遺存矣夫朱五經之子爲溫
櫛下季之弟爲跖人性近而習遠豈恒道之可推
哉覽善惡於興亾之際吾安得不爲槃大哀也夫
解春兩學士作西游集序稱其友康以寧吉之永新
人洪武甲子舉進士爲太平府推官謫居橫浦二
十年每歲粹其迎送序述及他文詩爲斯集期以
考今昔問學之得失焉末乃重羨以寧有得於邑
先輩吳莘樂先生之遺緒故其文不求工而自工
永新縣志

紀事卷九

遺事

六十四

可以追昔廬陵諸名賢之盛夫以春兩震凌一代
之奇才而以寧乃得與之爲友卽所推獎云者其
人豈易及哉進士肇科於洪武辛亥中間禁不開
十又三年至甲子議復其典而以寧幸哀然拔升
於其時所遭遇亦殊特已乃郡邑諸志不一登載
并其科名湮泯之何與今永新非獨不知有以寧
抑且并康姓無聞傳矣余讀春兩之文甚悲之因
嘆志巧遺失非一事而此其尤

世者耳

按以寧任太平推官世居發關市屏山下如庠生
慕邵三錫代有文人至九世孫悅淹貫羣書各

一時真不愧乃祖云

劉石潭所居近官道旦偶出得遺金數十石潭坐俟其人至以歸之其人嗑首謝願分遺石潭石潭峻却之時石潭方甚食貧乃一介不輕取如此人固即小可觀其大云

邑西元陽洞世傳曾有人見洞口流水中時湧出杏花片而莫知其故一日題詩洞口云偶過元陽撫舊栽琳宮幾度杏花開洞天怪我多生別五百年中又再來觀者因始疑其為仙也

明洪武元年永新寇劫殺邑大姓千戶俞茂勦之

安福

永新縣志

紀事卷九

遺事

六十五

志

湯和討平江西諸山寨永新守將周安叛進擊敗之連破其十七寨圍城三月克之執安以獻

湯和傳

十六年癸亥秋九月命申國公鄧鎮

愈子臨江侯陳鏞

濟寧侯顧敬

時子

討永新龍泉山寇

豫章書

永樂二年甲申春總兵官李濬捕永新賊豐城侯李

彬合兵共擒賊首陳繼成伏誅功賞將士有差

豫章書

書

正統景泰間北陞既絳禍閩粵復數數興兵而四方水旱盜賊所在皆是如是分遣重臣詔州縣民出

粟應上多至二千餘石者置以郎散秩賜璽書褒
異次亦榮之冠服稱義民焉當時有賀祈年劉彥
武李希勉汪英德胡子圭彭志萬文克倫賀孟璉
蕭顯清劉敦朱奇鳳十一人厥後則有周仲漣龍
淵尹紹興王雍皆以上例特膺綸獎其旌爲義民
者且不可勝書斯固一時嚮義之盛而民之富厚
固亦緣是可知知已所謂百姓足而君無不足茲
非其明效大驗歟

嘉靖間一夕大雷雨文廟災邑中大夫以時學科方
屢乏重有此變學不容無遷而未知所卜擇尚書

永新縣志

紀事卷九

遺事

六十六

臺以南祭酒還省掃始議縣治之西先是客有過
宿學鄰汪潛家者夢門外巋有所建問之曰此五
聖賢堂也客晨起賀潛曰君家殆有興乎爲書飛
白大字遺之旣學宮遷而其夢乃益播人耳始知
五聖賢固非夫子及四配莫可當也事先定豈偶
然也哉

禮殿及興文閣址潛嘗捐私土助成之

今仍復故址

丙子忠素以義顯學宮圯忠曰余得効力宮墻瞑目
畢晝與夜浹月廟貌隆然邑長學師曰異人也除
夕遊市上拾數十金候其人於市夜分不歸失者
號而至挈還之遠近呼爲義癡年九十五卒人以

為德壽云



永新縣志

紀事卷九

遺事

六十七

